

PRÆSIDE
 ARCHIATRO COELESTI,
 CONSENTIENTE ET JUBENTE
 GRATIOSISSIMO FACULTATIS
MEDICÆ ALTDORFINÆ
 COLLEGIO,
 DISPUTATIONEM INAUGURALEM
De
 PARALYSI
 EX COLICA

Pro SUMMIS in ARTE MEDICA HONORIBUS
 & Privilegiis DOCTORALIBUS legitime
 impetrandis,

Solemni ΦΙΛΙΑΤΡΩΝ examini proponit

PAULUS FRANCISCI,
 Corona Transilvanus, Poliater Wun-
 fidlenfis.

d. 27. Jun. A. R. S. M. DC. LXXIIX.

ALTDORFI

Typis Johannis Henrici Schönerstedt.

Digitized by the Internet Archive
in 2019 with funding from
Wellcome Library

<https://archive.org/details/b30765353>

VII. *Terminatio* itaque morbi unius in alium, est vel *Critica* vel *noncritica*. Cave vero, sis, ut intelligas actionem criticam *perfectam*, quæ consistit in totali causæ morbificæ per loca convenientia extra corporis provincias eliminatione, adeoque morbi plenaria solutione, sine omni recidivæ metu; sic febres quædam per sudationem laudabiliter à natura institutam perfecte solvuntur; *sed imperfectam*, quæ fit per causæ morbificæ ad loca ignobiliora, cum ægrotantis facili tolerantia & conferentia, transmissionem, (*vid. Excellentiss. DN. JACOBUS PANCRA TIUS BRUNO, Phil. & Medic. Doctor, hujusq. Prof. Publ. Celeberrimus, Facult. Medicæ h.t. DECANUS Spectatissimus, Præceptor atq. Patronus meus pie venerandus, Dogm. Med. Gener. pag. 438.*) ut cum per decubitus febrilis materiæ ad articulos vel juxta maxillas, aliasq; glandulas, febres solvuntur & finiuntur, de quibus consulatur *Hippocr. 4. aphor. 31. & 44. Non critica morbi unius in alium terminatio est*, quando priori morbo cessante, alius novus diversi generis generatur, fitque hoc. (1) *per materiæ morbificæ ex una parte in aliam translocationem*, ut quando humores anginâ producentes, in pulmones ruunt, *vid. aph. 10 f. 5.* ibique, priori relicta morbi sede, musculis nempe faucium, vel peripneumonix, vel exulcerationi fundamenta ponunt; vel cum a pleuritide peripneumonia oritur. *Hipp. 6. aph. 11.* itidem per causæ morbificæ a pleura ad spongiosam pulmonum substantiam, detrusionem &c. (2) *per pravitatis unius humoris alteri communicationem*: quando v. gr. febre putrida laborantes propter crisin imperfectam, materia febrili ad cerebrum delata, spiritibusq; animalibus tanquam cerebri incolis, communicata motibus convulsivis & tremulis fiunt obnoxii: *vid. Willis de febr. p. 184.* ita febres intermittentes, propter succi pancreatici præternaturaliter dispositi copiosorem sanguini admixtionem haut raro degenerant in continuas (3.) *propter humorum retrocessionem sive palindromiam*; ita dum sanguis erysipelaceus, acris & mordax a partibus externis, vel propter intempestivam & imperitam curationem, vel aliam occasionem, interiora rursus petit, sanguiniq; in vasis conterraneo conjungitur, malum certe prognosticum est, juxta *Hippocr. 6. aph. 25.* ad quascunque enim partes depositus fuerit, ibi inflammationes, incendia febrilia, aliaq; mala pariet: ita ex bubonibus, propter materiam excrementitiam prius

absorptam , & sanguini rursus communicatam , febres oriuntur, eæq; omnes malæ, præter ephemeram ; *vid. aph. Hipp. 55. §. 4.* atque si a nervis eorumq; latice resorbeatur , quantas ibi excitabit ægritudines? (4.) *propter rei utilis & necessaria ab una parte ad alteram necessario transmittenda denegationem*; ita frequentissime degenerat apoplexia in paralyfin , propter principii spinalis medullæ ex subsidentia cerebri ortam obstructionem spirituum animalium influxum inhibentem. Hi sunt præcipui modi , quibus morbus alius in alium terminatur. Quo vero ex dictis Contractura generetur ex Colica, (vel doloribus eam mentientibus,) infra indigitabitur.

II. Colicum dolorem esse depravatam sensationem ob violenti tangibilis, sive id sit humor acris & mordax, adeoque salinus ; sive flatus, sive excerementa lenta, tenacia, vel indurata ; sive aliæ res præternatural. vel ibidem genitæ, vel illuc transmissæ, v. g. calculi, vermes &c. continuum coli vel partiû ei confinium & vicinarum dissolventis molestam præsentiam excitatam, vulgo notum est. Ubi non sine ratione B. L. leges verba addita, *vel partium ei, (intestino colo) confinium & vicinarum*; notasse enim heic juvabit, dolores illos imi ventris immanissimos, colicos vulgo putatos, non semper esse revera tales, h. e. intra intestini coli cavitatem hærentes & fixos, ejusque continuum solventes ; sed quam sæpiissime in partibus ei communi intestinorum vinculo, mesenterio videlicet hujusq; plexu nervoso connexis matrem infelicem vehementi, sed infausito nixu parere; Testatur hoc & *Horst. Tract. de Scorb. p. 34. ex Eugaleno* non semper in intestinis, sed & vicinis partibus causam doloris colici adesse: *Vid. & Fernel. l. 6. pathol. c. 10. p. m. 574.*

IX. Atqui notare licet apud Practicos & Observationum Medicarum Scriptores , præsertim antiquiores, varias colici doloris species, variis quoque causis, propinquis intellige & antecedentibus, originem suam debere: ita si quem a flatibus vel intestini coli cavitati, vel ejus tunicis inhærentibus oriri notarunt, adfectum hunc præternaturalem *Colicam flatulentam* dixerunt; si ab humoribus acris & biliosis intestini coli continuû solventibus dolorem excitari observarunt, *colicam* adesse *biliosam* concluderunt: quod si lenta tenaxq; & frigida materia fixam ibidem sedem posuerit,



B. C. D.

ΠΑΡΑΛΥΣΕΩΣ ex Colica brevis
adumbratio.

I.



Inter intricatas, quæ corpus humanum misere torquere solent ægri tudines, haut infimæ sortis habetur dira illa Morbonæ soboles, Colica, quæ nonnunquam instar pali infixi, fixa, sed tristissima miseros vexat sensatione; non raro erroneum instar vagis ægrotantes excruciat torturis; nonnunquam patrio relicto foco exterarum hostiliter invadit regiones, quarum sanguinem & medullam lambendo omnem eis exsuevit vim, omnem fere facultatem, & non tantum usque ad lethum eas enervat.

II. Scilicet frequentissimum est, ut propter sanguinis, inæstimabilis illius vitæ thesauri, variam a statu naturali degenerationem, inter alias passiones & Colica suum quærat in humano corpore hospitium; quo invento, tanta in incolas nonnunquam sævit atrocitate, ut penitus eos morti tradere videatur; at, sicubi aliquando mitiorem vultum conspiciendū præbet, vel pristinam imperii sui sedem deferere putatur, ecce! prioribus jam satis vexatis, alias ejusdem corporis, imo sortis & juris adit inquilinos, quibus non minori dominatur sævitia.

III. Sæpissime namque fit, ut humani corporis Archeus in sanguine latitans, a portionum heterogenearum, vitiosarum, inutilium, earumq; variarum, cum eo, sanguine, conjunctione, permixtione, impertinentia, importunitate, laceffit, irritatus, iracundus quasi fiat & furibundus, adque intestinum colum (vel partes ei confines & cohærentes) a quo malum illud, quod colica passio dicitur, nomen sortitum est) evagatus, ibi-

dem læviat, (est enim ut vitæ, ita & necis, adeoque & morborum autor & auctor) idem lancinet, ejus continuum, fibras distendendo, mordicando, rumpendo, solvat, atque sic atrocissimam tristissimamq; doloris producat sensationem; hocque facit, dum pugnam cum se molestante causa morbifica in portionibus heterogeneis &c. jam aliquo modo tactis, & p. p. specialius tangendis, consistente instituit, non absimili ratione, ac Princeps hostem ex territorio suo non sine suorum jactura propellit.

IV. Colica vero vel quasi, sic nata, frequenter, experientia teste, sede priori relicta, in artuum paralyfin sive resolutionem terminatur; cujus methodum cognoscendi, per causas generandi, medendi, qua quidem fieri potest, brevitate, in seqq. trademus.

V. Notissima autem est Artis nostræ salutaris filiis notatio nominis *παραλύσεως* ἀπὸ τῆς *παραλύεσθαι*, quod resolvi significat, derivanda; unde & Latinis dici consuevit Resolutio, primario quidem nervorum, secundario artuum; quippe quod propter nervos male constitutos & paralyfin patientes, & membra sive artus, quibus per hos proximum regularis motus instrumentum, spiritus nempe animalis, communicatur, eadem de labe participant. Dicitur etiam Contractura, a *Jacob. Horst. in observat. Schenk. 179. & Plater. prax. part. 1. fol. 332. Gregor. Horst. in problem. Med. ob* levem præsertim in manibus, (quæ quasi pendulæ habentur,) eorumq; digitis, (qui incurvantur) contractionem; unde quoque vulgo contract sein / auditur; alias idiomate germanico vocatur lahm seyn / oder die Erlahmung; item in quibusdam locis, die Gicht / item die Contractur nach dem Reissen. Dicitur & *πάρεσις* it. Mollificatio, cujus denominationis causa vid. ap. *Sennert. prax. l. 1. part. 2. c. 27.*

VI. Ast vero, ut sciatur accuratius, nobis heic non esse sermonem de *παραλύσει* ut sic; vel etiam ex quavis causa, tam antecedente, quam procatarctica, originem trahente; verum de tali ejus specie, in quam prægressus quidam, plane diversi generis adfectus certo, & post determinando modo terminatus est. Hunc autem adfectum cum constituerimus Colicam, de ea, & qualis illa sit, quæ in paralyfin degenerare apta sit, operæ pretium erit quædam in antecessum, postquam de transitu morbi unius in alium, ejusque modis paucis egerimus, præmonere.

fuerit, molestaque sua præsentia molestum induxerit sensum, *pituitosa colica* nomen excogitatum fuit. Et has colici doloris differentias facile, tum ex ipsius ægri vitæ genere, victus ratione, habitu corporis, temperamento, aliisque circumstantiis, tum remediis juvantibus vel lædentibus colligere potuerunt. Si vero qua alia huic malo fomenta dedere, verbi gratia, vermes, calculi vel aliæ res præternaturaliter ibi genitæ, verbi gratia, scirrhus, œdema, aliive tumores; vel etiam ad deglutendum ineptæ, deglutitæ, ut sunt comesti nuclei durique fructus, ex observatione *Zacut. l. 2. prax. admir. obs. 27.* item officula e pedibus gallinarum coctis abunde deglutita, ut est apud *Plat. 2. Prax. 1, 13.* quales quoque fuere 100. illi aurei nummi a Nobili quodam, ne furtum inno- ceret, deglutiti, sed ob dulcamaram carnificinam multo enema- tum usu tandem paulatim explosi, *vid. Borell. Cent. 4. Obs. 25.* ab iis quoque fortasse denominatio facienda, atque colica vermi- nosa, calculosa, scirrhusa &c. (an & aurea? sed absque risu) di- cenda?

X. Ast vero prædictæ causæ & species colicæ nobis non faci- unt satis, cum eadem facili negotio, & vel solo convenientium clysterum subsidio possint exterminari, adeo ut paralysis ex iis- dem, præsertim, ubi humores vitiosi fluxiles adhuc sunt, subsequa- tura nullo modo sit metuenda; tum quia nullum datur medium (oc- cultos naturæ meatus, licet non negem, hic tamen eos non esse quærendos manifestior modus generandi patefaciet) per quod dictarum specierum causæ satis evidentes, ad nervos, motus, tum naturalis, tum præternaturalis subiectum, deferri queant. Quæ- renda igitur alia colica, quæ lobolis, tam conclamata molestiæ & ineptitudinis fecunda mater existat, vel manus saltem obste- tricantes fortiter porrigat.

XI. Ideo, quoniam tum ex fideliter communicata probatæ fidei Autorum, tum quotidiana fere praxi licet observare, mor- bum unum sæpissime alterius cessationem insequi, vel, ut ajunt, alteri manum porrigere alterum, cujus rei quoque jam supra §. 8. mentio facta est, inquirere jam incumbit, utrum hac forte ratione suffragium liceat invenire pro tali colica, quæ scil. ex alio morbo relicta, vel adhuc eodem præsentem, eamque fovente, rursus in alium apta sit terminari?

XIII. Obferret fe heic nobis fortaffis non inconueniens locus difcurfum faciendi de morbis compositis, implicitis, confequentibus, eorumque differentiis, natura, caufis, modo generandi &c. verum quoniam breues nos effe futuros fpoponderimus, B. L. hujus rei curiofum ad Institutioniftas amice remittimus.

XIII. Difquirendum itaque nunc non quos morbos colica poffit fequi: id enim deducere velle magis curiofitatem quam utilitatem faperet; fed quibus ex haftenus obfervatis frequentiore partu fuos debeat natales. Eorū non parcus apud Autores fiftit fe numerus: cujus tamen ferie non operofa prolixitate; fed curfim exprimere animus. *Febres continuas, tertianas, quartanas, aliasq; diuturnas* fæpe fubfequi colicam, & per eam finiri, imo, ut antea febres circuitu certo exacuatæ fuerant, & colicos dolores fuble. quotos parem acceffionum ordinem retinuiſſe obſervavit *Fernel.* ut notat *patholog. l. 6. c. 10. p. m. 574. a Rheumatismo* fere univerſali ſubortum fuiſſe dolorem colicum notat *River. Obſerv. Med. Cent. 3. obs. 22.* ſuperato *catarrho* quendam colica correptum fuiſſe obſervat *Th. Bartholin. Hiſt. anat. & Med. Cent. 4. Hiſt. 58. ex inflammatione inteſtinorum* notat *Galenus in Introduct. c. 13. Paulus Aegineta l. 3. c. 43. ex abſceſſu & ulcere, Forest. l. 21. obs. 4. Holler. l. 1. d. morbb. intern. c. 41. ex inteſtinorum in ſcrotum deſcenſu, Forestus l. 21. obſerv. 14. ex lue venerea, l. adhuc eadem præſente Zacutus l. 2. prax. admir. obs. 24.* Verum plura compilare nunc non eſt animus.

XIV. Denique ut ſcopo noſtro jam propius accedamus, (cum quasdam diſpoſitiones morboſas, quas colicus dolor quandoque ſubſequi ſolet, ex Autorum obſervationibus propoſuerimus) dicendum eſt, unicam adhuc eamque palmariam, ſuperſtitem eſſe, quæ cruciatus colicos vel revera tales, vel ſaltem ſpurios, arctiſſimo ſinu foveat atque ſuſtentet: eamque dicimus eſſe *Scorbutum*, (licet & hunc nonnulli Autorum notaverint) fontem & abyſſum tot tantorum horrendorum imo mirandorum morboſorum accidentium, ex quorum carnificina non minimum ſibi vendicant titulum intensiſſimæ nonnunquam dolorificæq; illæ ventris infimi lancinationes, colicas perſæpe mentientes, quarum longiorem durationem frequentiffime membrorum externorum infequitur reſolutio & impotentia movendi iamiam viva facie depingenda.

XV. Atq; innotescere potest ex his, qualem proli nostræ assignemus matrem? nimirum *colicam scorbuticam*. Verum obijci-
et fortassis non nemo: cur solum sceletyrbicum adfectum hujus
mali reum arguamus, cum tamen & post alias ægritudines infelici
superfetatione Morbona pariat paralyfin? huic respondere placet
primo, quod licet hoc verum esse ultro fateamur, nobis ta-
men non esse sermonem de paralyfi ex quocunque casu præterna-
turali generata, sed quatenus ea sequitur colicam tantum; deinde
non inficias imus, posse quidem paralyfin colicam ex aliis mor-
bis, v. gr. quartana aut tertiana, obstructione jecoris, splenis,
catarrhis diuturnioribus &c. relictam subsequi, sed & hoc adfir-
mamus, & probe observandum notamus, in his & similibus jam
adesse dispositionem scorbuticam, si non perfectam & invetera-
tam, saltem inchoatam: quod, si prolixi esse vellemus, facile de-
ducere possemus. Etenim ut solum de febre quartana dicamus
aliquid, considerare licet, quamin eadem sanguinis διαθείσις scor-
buticæ διαθείσις sit similis & adfinis: consistit namque quar-
tana in dispositione sanguinis πνευματώσεως defectu laborante, ubi
scil. portionibus sanguineæ massæ spirituosæ, balsamicis & in-
flammabilibus subjugatis vel deflagratis, terrestres sive salinæ &
Tartareæ prædominium, in fluorem exaltatæ, rapientes, nativa
proprietas, i. e. a core sanguineam imbuunt massam, pari ratio-
ne, ac vini vel cerevisiæ quantitatem quandam in vase quodam
præsertim stanneo eoq; aperto, vel saltem una nocte restitan-
tem (vulgo über Nacht stehen / vocant) exhalatis particulis spiri-
tuosis sulphureis, videmus acescere, saporemq; ingratum gustan-
tibus præbere: non multum absimili quoq; modo degenerat san-
guinis & propter hanc liquoris nervosi ερώσις naturalis, dulcis alias
& blanda, in scorbuto, depressis & subactis scilicet vel etiam exha-
latis portionibus activis spirituosæ, in salinam & quasi lixiviosam
aut acidam stypticam δυσπρωσίαν; magis tamen & manifestius
ac in prædicta quartana; unde hæc facile in scorbutum perfectum
potest mutari. De quo nos nunc non plura.

XVI. His ita prægustatis recto tramite tendimus ad themati
nostri tractationem pleniorē, incipientes ab ejusdem defini-
tione, vel saltem (sed ex artis præscripto) aliquali, si non ex
asse luculenta, descriptione; quam sic lubet concipere: *Para-*
lysis

lysis ex Colica est voluntarii motus membrorum externorum sive artuum impotentia, a liquoris nervosi spiritus ascensu, ob communicata recrementa acetosa & narcotica, deficiente, proveniens.

XVII. Ut vero impotentia movendi melius imaginabilis esse possit, breviter scire oportet, qua ratione motus voluntarius perficiatur: dicimus itaq; spiritus animales cerebri & nervosi generis incolae, sec. nat. constitutos primum ejusdem esse instrumentum, qui pro voluntatis imperio per nervos tum ad musculos, tum ad fibras cujuscunq; partis motivæ & movendæ intertextas delati, ibiq; turgidi rarefactionem & distentionem in iis moluntur, qua facta non potest non & contractio musculorum versus suum principium sequi, quæ est propria ipsorum actio, ut docet *Excellentissimus* DN. D. MAURICIUS HOFMANNUS, *Chirurg. & Botan. Prof. Publ. Celeberrim. Sereniss. Elector. & Marchion. Brandenburg. Archiater, Præceptor ac Patronus meus pie venerandus, Synopsis. Instit. Anat. Disp. 2. th. 5. atq; sic spiritus animales explorati tractionem validissimam, instar vectis aut trochleæ efficiunt, docente Willis, Patholog. Cerebr. Tract. 1. c. 1. p. m. 3. motumq; spontaneum determinant.*

XIIX. Refert præterea paucis indigitare, qualis esse debeant naturæ spiritus illi animales movendi potentiam debitam & naturalem habentes, inq; corpore motum regularem perficientes; quod ut juxta saniorum, rerum tum physicarum tum medicarum interpretum, veritatem propositam fiat, dicendum est, eos chylosi sanguinis per arteriæ magnæ truncum adscendentem ejusq; ramos & ramulos in cerebri cancellis relictis portionibus valde activis, aliquantum spirituo salinis, nondum tamen perfecti purpura tinctis, optime tamen subtiliatis, natales suos debere; ibidemq; propriam illam qualitatem, quam cerebri substantia tribuere nata est, recipere, loquente ita paulo ante laudato *Excellentissimo* DN. D. M. HOFMANNO, *Synops. Instit. Anat. Disp. 18. th. 2. i. e. naturam blandam, temperatam, ex amicabili particularum spirituo salinarum, tanquam prædominantium, cum aqueis ad dilutionem, & tantillo terrearum & sulphurearum conjunctione oriundam, induere, atq; sic perfecti, blando itu & reditu tum operi nutritionis adsimilatione; tum partibus motorii & sensorii, movendi & sentiendi facultate; tum deniq; sanguini*

guini fervidiori temperatura mitigante, naturali jure consulere. Laticem nervosum, quamdiu is recte se habet, spiritu & sale eadem combinato, seu volatilifato, constare; quibus modicum aquæ, qua diluatur, accedat, sulphur vero ac terra parum opus esse, statuit & *Willis Tract. de scorb. c. 1. p. m. 235.* Et in hac quamdiu vigent, & per novæ materiæ accessionem augentur, habitudine, vigent & sensuum, motusq; qua naturalis, qua voluntarii, (saltem recte sint conformata) organa, atq; sic debitas & necessarias functiones pro imperio animi sine molestia perficiunt.

XIX. Breviter jam proposita tum spirituum animalium natura; tum ratione, qua per eos potentia movendi sive motus voluntarius perficiatur, facile ob oculos poni potest, qua ratione partes movendæ, præcipue vero artus, ad impotentiam movendi disponantur, quando scil. status eorum naturalis pervertitur in præternaturalem, verbo: quando partes movendæ spirituum animalium, omnis motus autorum defectu laborant.

XX. In genere vero spiritus animales deficiunt vel *quoad substantiam*; vel *quoad qualitatem*: In substantia deficiunt, quando vel plane nulli; vel admodum pauci generantur, idq; vel ob denegatum laudabilis chylosi sanguinis proventum, uti fieri potest in atrophia conclamata, aliisq; morbis chronicis lentaq; tabe interficientibus; vel ob varios ipsum cerebrum, spirituum animalium officinam infestantes morbos; quales esse possunt hydrocephalus, vulnera, (de vulneribus consentit *Greg. Horst. Disp. Medic. Witteberg. habit. 9. thes. 16.*) inflammationes, syderationes aliæq; corruptiones cerebri, quæ omnia materiam liquoris nervosi generationi destinatam absumunt, vel corrumpunt, inq; sibi similem, sed perniciosum humorem pervertunt: atq; si nulli spiritus animales, vel pauci saltem generentur, nulli quoq; vel pauci saltem, sed insufficientes muneri debito peragendo, influunt. Quoad qualitatem vero deficiunt, quando ii quidem substantia præsentibus libere per nervorum tubulos partibus movendis distribuuntur; sed portionibus heterogeneis, recrementitiis, iisq; diversæ malitiæ, referti sunt, quarum præsentia cum eorum adglomerationem justamq; ac naturalem explosionem (in qua potissimum actio movendi, consistit) impediat, fit, ut debita quoq; movendi potentia in partibus quasi suffocetur & evanescat.

XXI. Porro non reticendum est, spiritus animales quam sæpissime deficere ob nervorum, propter quos influere debent, præcipue principii spinalis medullæ obstructionem, uti frequentissime licet observare in paralyfi post apoplexiam relictâ, tum etiam specialius, ob nervorum exortus ex peculiari quadam parte derivandos obstructos, vel compressos; sic oritur quandoque paralyfis crurum ob scil. nervorum, ex osse sacro vertebraeque lumbalibus orientium obturata principia; hac quoq; ratione paralyfes specialiores, v.g. linguæ, oris, labiorum, oculorum seu palpebrarum, vesicæ, *Forest. l. 10. de cerebr. morb. obs. 92. &c.* produci existimandum est. Præterea deficere quandoque possunt spiritus animales ad appropriationem, cum scilicet propter fibrarum quarumcunque partium nimiam exsiccationem ex caloris, præter naturalis fervidioris voraci absorptione oriundam, iisdem adsimilari & appropriari nequeunt, uti testatur experientia tabidorum & hecticorum.

XXII. Dictis hæctenus modis spiritus animales defectum pati possunt; disquirendum nunc, quo ex nominatis paralyfis ex colica deduci & generari possit? Dicendum itaque primò eandem non à nullitate seu omnimoda spirituum animalium in corpore absentia oriri. Tanta enim eorum est necessitas, ut impossibile sit hominem absq; iisdem vivere posse, præsertim cum juxta nonnullorum sententiam hypostasim animæ corporeæ constituent, animæque activitas sive potentia, quæ in corpus determinatur, secundario ab eorum impulsu dependeat ut habet *Charlt. Exerc. Pathol. 8. §. 13. p. 94.* quod idem vel unico apoplexia forti & ex momento fere lethali tactorum exemplo evidens esse potest; horû siquidem vita, principio spinalis medullæ obstructo, spirituumq; summe activorum & subtilissimorum influxu ad partes intercepto, præsentissimo fato abrumpitur, quod qua ratione fiat & medice deduci possit, cum non sit hujus loci disquirere, in alium forte commodiorem, remittimus.

XXIII. Dicimus (secundo) eandem non absolute propter spirituum animalium paupertatem sive paucitatem oriri; alias omnes ii qui frigidioris temperaturæ sunt homines, (vulgo pituitosi) paralyfi laborarent; in his enim vel ob crudiores & minus perfecte elaboratas sanguinis portiones, flammæ vitalis activitatem & multi-

multiplicationem retardantes; vel ob nativam flammæ vitalis debilitatem portiones sanguinis passivas debite subtiliare vel absumere ineptam, temperamenti frigiditas cernitur. Negata igitur debita & sufficienti sanguinis chylosi spiritibus vitalibus abundantis & laudabilitate & copia, negatur quoque sufficiens spirituum animalium ex hoc oriundorum proventus: hoc vero negato, negatur quoq; debita functionū pereosdem obeundorum ratio; unde & tales homines desides esse & ad quemvis motum corporis exercendum inertes quotidie experimur; qui quoq; accedente præsertim & disponente causa quadam externa, quales esse possunt quotidianæ tempestates austrinæ, hyems item australis & pluviosa, quod facile, tanquam confectarium, elici potest ex Hippocr. 3. aph. 12. 17. & 23. item cibi & potus *δυσχυστοι* atque debili calore non facile domabiles minusque fermentescibiles, naturaliter scil. facile paralyti, tentari possunt &c. Porro neque propter defectum spirituum animalium ob cerebri morbos supra recensitos paralyti nostra deduci potest; nullam enim harum affectionum nisi quandoq; id fiat per accidens, præsentem jam ipso morbo vel dispositione ad eundem in paralyticis, de quibus nobis sermo, observare licet.

XXIV. Dicimus (tertio) paralytin colicam non ab obstructione principii spinalis medullæ spirituum animalium descensum & influxum inhibente dependere; talis namq; paralyti fere semper præsupponit apoplexiam, vel cum ipsa morte finituram, vel in *ἡμιπληγίαν* vel *παραπληγίαν* terminantem. Ast vero paralytin nostram apoplexiam præcessisse, quantum quidem ego memini, vix observatum est: imo si ex apoplexia, non ex colica oriretur, quod a nostro tamen instituto alienum; deinde dictum jam in antecedentibus paralytin nostram non oriri a defectu spirituum animalium quoad substantiam & influxum; quod tamen in illis *παραλύσεως* speciebus quæ post apoplexiam relinquuntur, fieri notum est.

XXV. Superest nunc, ut genuinam producamus causam, & modum imaginabilem, imo rationabilem, cur & quo paralyti generetur ex colica, quam supra diximus esse scorbuticam; verum operæ pretium erit Autorum quorundam, qui anxie se torserunt, quo pacto & per quas vias materia morbifica ex intestinis ad partes extremas feratur, atque paralytice causa existat, sententias

vel opiniones adducere, & quantum iis tribuendum, vel ab iisdem recedendum, veritatis gratia, sed succincte, ob oculos ponere.

XXVI. Sicut autem de materia paralyfin ex colica excitante discordes reperiuntur Practicorum sententiæ; ita multo minus de viis, & modo, quo, & per quas ex intestinis ad artus transferatur, inter se consentiunt. Alii enim a frigida & lenta materia id evenire censent, ut *Trincavell. de rat. curand. particul. corp. hum. affect. L. III. cap. 1.* alii acres, mordaces, biliosos & terrosos accusant humores, qui ex intestinis per modum *κρίσας* a natura valida detrudantur ad artus: alii materiam plane non determinant: alii humores non illos, qui prius intestina doloroso sensu lancinaverant; sed jam a capite aliisque partibus eo fluxuros accusant: alii nullam plane materiam vitiosam nervis eorumque latici communicatam scire volunt, sed paralyfin ex colica fieri statuunt a compressione nervorum, facta ab arteriis humoribus excrementiis (cruciatus intestinorum inducere valentibus) turgelcentibus, uti vult *Higlmor. Anacephaleos. tot. corp. &c.*

XXVII. De viis non minor, ut dictum, est dissensus. Alii namque per tunicas membranaceas intestinorum & mesenterii cum spina per ligamenta communicantes, humorem imbibitum ad sacram fistulam derivari, atque sic laxari & enecari medullam spinalem, nervosque ab eadem distributos, juxta *Steghium Prax. Med. L. VIII. C. III. & Erasf. Disput. de Medicin. nov. Paracels. part. 4.* Alii paralyseos ex colica relictæ causam morbificam non in intestinis hæerere, neque ex iisdem ad artus detrudi, sed postquam humorum crudorum, crassorum, eorumque bene multorum & a capite per venas ad intestina effulorum (qui scilicet colicos paroxysmos prius inducebant) maxima pars per alvum excreta ac per paroxysmos absorpta est, ut jam quodam modo mitescere & rarius invadere colica videatur; tum reliquos humores & præsertim qui sunt in capite, propter dolores, inedia, vigiliis, calidiorum & incidentium usum attenuatos, relictæ priori consuetæ via ad propiorem declinare, & ita secundum nervos ad mûculos, & sic ad manus ac pedes contendere statuunt. *Hoffmann. ap. Scholz. Consil. 173.* & hoc ideo, quoniam natura sese exoneratura malit reliquias illas attenuatas in propinquum locum deponere, quam in locum tam remotum amandare; præsertim cum non, ut prius

tantis

tantis irritetur cruciatibus, & minor fiat a dolore attractio. Non igitur in intestinis humores, qui ad artus rejiciantur, contineri, sed eo, quo dictum est, modo, in artus deturbari, ut sequatur impotentia quædam in nervis, concludunt, adeoque non omnem colicæ speciem, sed eam tantum, quæ ex defluxione materiæ pituitosæ (cui se adungere potest & bilis) a capite per venas in intestina fuit excitata, paralyfin demum sequi posse. Alii materiam illam prius colicam causantem, & membra postmodum resoluturam ex intestinorum & mesenterii venis in venam cavam regurgitare, hincq; ad musculos a natura extrudi autumant, qui a materia illa præternaturali adfluente, respectu substantiæ nervosæ & membranosæ effecti debilesq; facti, vel spiritum animale non admittant (quod fieri soleat propter plenitudinem) vel quantumvis eundem habeant adfluentem, usque tamen motum & sensum exacte perficere nequeant (quod propter molli-
tiam nervorum, naturalem eorum tensionem, membrorumq; tractationem denegantem fieri existimandum sit, juxta *Greg. Horst. Disp. super univers. Medicin. IX. §. 17. & Probl. Medic. decad. II. Quest. 8. ut & Sennert. aliosq;* Alii ad τὸ εὐρρεῖν καὶ εὐμ-
α. Hippocratis confugiunt, atque occultas Medicisq; peritis incognitas excogitant vias, quas natura adhuc valida in corpore vivente sibi paret, iisq; in translocanda materia morbifica ex intestinis ad artus, pro eorum resolutione introducenda, utatur, *Crat. in Epist. Scholz. 165. Laurent. Anat. L. IV Quest. 8.* Alii ex intestinorum hypochondriorumq; nervis ad dorsæ vertebrae, nervorumq; dorsaliū exortus, motu critico, per invetum iter, materiam indigestam & non evacuatam traduci credunt. *Joh. Marquard. Prax. Cap. de Paralysis.* Quidam humorem morbificum ex colo per mesentericas arterias regredi, & in arteriæ magnæ truncum transferri posteaq; ad lumbares quoq; pervenire existimant, quæ sanguine turgelcentes vicinos comprimant nervos, unde paralyfis nascatur. *Adrian. Spigel. Hum. Corp. Fabr. L. VI. Cap. IV.* Quidam per μεταστάσις humorum, non vero illorum, qui jam in intestinis membranas lacefferunt; sed qui per mesentericam inferiorem ad doloris continuationem fluxuri erant, in arterias lumbares cum sanguine ad spinam tendentes, fieri contendunt, quæ, dum vitiosis humoribus turgent, compri-
mant

mant nervos, quam compressionem intercluso spiritu sequatur paralyfis. *Highmor. l. c.*

XXVIII. Verum videamus, utrum veritati consentiant hæc, nec ne? Et primo quidem, qui paresin ab humoribus trigidis, lentis & viscosis, qui prius colicum dolorem excitaverant, generari contendunt, nihil dicunt; quoniam tam crassa materia intra nervos, manifesta cavitate, eandem capere apta destitutos, insinuare se nequit. Quod si dicas: eandem ope medicamentorum calidorum in substantiam vaporosam attenuari ac subtiliari, quæ ad cerebrum delata, ex eo tandem ad medullam spinalem nervosq; ex eadem oriundos, deferri, sicq; paralyfin inducere. Ad hoc respondendum; id minime fieri posse, eo quod jam supra colicam paralyseos nostræ matrem, ex pituitosis, crassis & lentis humoribus ipsis plicis tunicisve intestinorum impactis, oriri negaverimus: & si vel maxime concederetur, tales humores ope medicamentorum calidorum in vaporem sustolli, qui tandem in tenuem humiditatem, paralyfin inducendam, resolvatur, fere semper paralyfin talem præcederet vel apoplexia, vel alius affectus soporosis, vel etiam epilepsia; quod enim vapor hic resolutus in nervis spinalis medullæ potest efficere, spiritibus videlicet animalibus narcoticam vim imprimere, idem quoq; in cerebro potest, ubi spiritibus animalibus permixtus eos torpidos adq; influxum ineptos reddere, sicq; vel somno præternaturali vel apoplexiæ ansam dare valet; quod tamen in nostris paralyticis non experimur, vel saltem rarissime, & non nisi in mere cacochymicis,

XXIX. *Secundo*, qui ex acribus, mordacibus & biliosis humoribus artuum nervis ex intestinis communicatis paresin oriri statuunt, non æque veritati litant: humores enim tales valde sunt activi, quorum particulae heterogeneæ cum spiritibus combinatae, eos non sopiunt, aut ad motum obeundum ineptos faciunt; quin potius eosdem ad explosiones aptiores reddunt; ut ita potius motus convulsivos, quam resolutiones membrorum expectare liceret.

XXX. *Tertio*, qui humores, non eos, quorum præsentia per fluxionem congesta jam prius colici cruciatus excitati fuerant; sed qui deinceps a capite reliquoque corpore adhuc erant fluxuri, ul-

ri,ulteriusq; intestina excarnificaturi, itinere priori relicto, deviantes, instrumenta motus infarcire, eaq; irrigando, humectando, & emolliendo, ad motum regularem obeundum inhabilia reddere docent, ii non paralyfin secundariam, ex alio scil. morbo natam; sed primariam describere mihi videntur: hac enim ratione colica nondum est causata, (quoniam humores illi nondum ad intestina transiere) ergo nec in paresin degenerare potest.

XXXI. Nec illi rem acu exacte tangunt, qui compressionem nervorum factam ab arteriis, humoribus excrementitiis latentibus & tumentibus, paresin causam statuunt: tanta namque compressio fieri nequit a corpore pariter molli & facile cedente, ut omnis spirituum animalium, ad resolutionem pariendam, intercipiatur influxus; imò propter compressionem nervorum potius stupore tentantur membra, quam resolutione; uti videmus quoq; in calculo vel inflammatione renum laborantibus, ubi tumidi renes musculos lumbares, *ψόας* dictos, comprimunt; hi vero nervorum ex osse sacro oriundorum principia, ita, ut aliquo modo spiritus animalis intercludatur, quo facto stupor crura invadit, qui quoque de tumetactis renibus, hoc in casu, cessat.

XXXII. Tandem, qui nullam humorum faciunt determinationem, illis nullam quoq; scribimus dicam; sed pergimus ad examen viarum, per quas humores vitiosi ex intestinis ad artus translocari haftenus creditum est. Eam igitur opinionem, qua statuitur humorem imbibitum per ligamenta intestinorū & mesenterii membranacea ad spinam dorsi deferri, atq; sic laxari medullam spinalem, nervosq; ab eadem distributos, vero non esse similem dicimus ex ea ratione, quod medium hoc omni careat meatu & cavitate manifesta, quibus mediantibus humores ex intestinis vel mesenterio, sive pituitosi, sive biliosi, sive serosi (ut horum, Veterum nempe Autorum fert sententia) ad spinam deduci possint. Addo, quod in transitu horum, praesertim biliosorum, vel serosorum salforum, adfectus in imo ventre spasmodici excitarentur immanissimi, propter scilicet irritationem spirituum animalium fibras nerveas & membranaceas harum partium incolentium, eorumq; explosionem inordinatam urgentem; quod fieri tamen non observatur.

XXXIII. Deinde sententia eorum, qui non humores in intestinis

stinis stabulantes, eorumq; continuū laceffendo solventes; verum restantes, & propter dolores, vigiliās, inedia, calidorumq; medicamentorum usum adtenuatos, *Hofm. l. c.* & vel a capite, relicta priori consueta via, ad propiorem, nervos nempe declinantes, atq; secundum horum ductum ad musculos manuum pedumq; contendentes, vel per arteriam mesentericam inferiorem ad continuationem doloris fluxuros, ut *Highmor. l. c.* causam paralyseos, de qua nobis sermo, existere docent, §. 28. & 30. rejecta videatur.

XXXIV. Porro, quod attinet opinionem eorum, qui materiam morbificam, colicæ (sive legitimæ, sive spurix) causam ex intestinorum & mesenterii venis in venam cavam regurgitare, hincq; ad musculos a natura valida & exonerare se volente detrudi existimant, qui debiles facti vel spiritum animale non admittant, vel, si maxime eum habeant adfluentem, usq; tamen motum & sensum exacte perficere nequeant, sapit ea αἱματοκυκλώσεως ignorantiam: quippe sanguis non per venas; sed per arterias ad partes præsentiam ejus & ad appropriationem desiderantes, distribuitur: adeoq; non potest vitiosa materia per venas ad habitum corporis musculosum detrudi; quin potius, si maxime per arterias ad eundem translata esset, usq; tamē facile posset a venis resorberi, (præsertim si tenuis admodum foret) rursusq; ad interranea corporis ferri.

XXXV. Ast vero, qui ad τὸ ξυμπνεῖν καὶ ξυρρεῖν corporum confugiunt, ad asylum ignorantix confugiunt: cum enim hoc in nodo enodando viæ latis adsint manifestæ, non opus est occultos quærere meatus, per quos una pars alteri vel proficuum, vel noxium quid communicet.

XXXVI. Deniq; qui ex intestinorum hypochondriorumq; nervis ad vertebrae dorsii nervorumq; dorsaliū exortus, motu critico per insuetum iter, materiam indigestam, & non evacuatam traduci credunt; fere dicunt, quod res est; paucis tamen immutandis, omittendis, & addendis. Quandoquidem displicet, quod Autor hujus opinionis materiam illam indigestam & ex cura præpostera colicæ relictam, critico motu ex intestinorum hypochondriorumq; nervis ad vertebrae dorsii translocari statuat; eadem si quidem translata, & quidem non mutata sive indigesta, non

Ita non tam impotentia motus, quam lancinationibus & doloribus acerbissimis, quales videlicet imum ventrem prius molestant, ipsis quoque membris externis esset infesta: dolores autem vel penitus abesse, vel mites adesse in resolutis nostris, propriæ testantur eorum confessiones. Quod vero pertinet ad iter inluctum, fatendum equidem est, vere esse inluctum, *ratione scil. morbi prioris in melius terminaturi*: (remittunt enim dolores imi ventris) ratione vero morbi subsequenti, familiarissimum, imo ad incommodum hoc tendendum commodissimum; saltem hoc vel maxime heic notetur, non fieri id ipsum a natura *ωρα γέρας*, hoc modo exonerare se volente, utpote cui facilius esset per propiorem & patentiorem viam, inferius nempe guttur, materiam sibi molestant, indigestam nimirum, & per id loci evacuandam, penitus extra corpus eliminare; quam (præsertim si consulto velit agere) ulterioribus cruciatibus & injuriis partes optime sibi famulantes exponere.

XXXVII. Jam tandem nostram hac de re sententiam subjungere fas erit: ubi revocandum in memoriam, nos hoc in casu præsubponere dispositionem scorbuticam, juxta probationes, in §§. superioribus adductas. Hinc uti secundum exactissimam ingeniosissimi *Willisi* de Scorbutico doctrinam, labem scorbuticam tum in rutilo vasorum sanguiferorum liquore; tum in blando fibrosoq; nervosorum ductuum latice latere, probabile est: ita propter horum inordinationes tam imi ventris dolores; (quos colicos cum vulgo nominavimus) quam ipsam quoq; paresem post hos secutam oriri deducemus.

XXXIIX. Dicimus itaq; colicam, quam sequitur paresis, *non esse legitimam*, sedem suam intestinum columejusq; tunicas & cavitatem tantum agnoscentem: sed *spuriam*, mesenterium ejusq; plexus tam atroci contumaciq; molestia prementem, ortumq; suum debere salium diversæ indolis simul conredientium luctæ mutuæ & effervescentiæ, qua partes nervæ & membranae maxima quasi vi a se invicem divelluntur, & lacerantur, atq; sic ingentium evadit cruciatuum causa. Sales autem illos diversæ naturæ & activitatis latere putamus in humoribus paulo ante dictis, sanguine videlicet & succo nervoso, & quidem hunc per nervos mesentericos ex sexta cerebri conjugatione oriun-

oriundos recrementa sua acetosa, tanquam semen femininum, stigmati vitriolici æmula, *vid. Willis Tr. de Scorb. p. m. 265.* circa mesenterii plexus aliasve hujus regionis partes nerveas deponere, quibus colluvies serosa sale fixo & lixiviali velut referta ex arteriis cum sanguine huc delata & juncta, propter discrepantes naturas, dum se invicem tolerare nequeunt, turgescunt, pugnant, alunt, & lincinationes mutuis hisce, sed hostilibus congressibus, moliuntur dolorosas: non absimili ratione, ac Sal, Tartari, Nitrum & Sulphur, sibi juncta & accensa, quidquid ipsis circumjacet, rumpere faciunt atq; dissilire. Facta tali lucta & ebullitione humores prædicti salibus vel recrementis etiam prædictis scatentes multum a priori desciscere suspicamur indole, stigmati q; vappidi & insipidi fere naturam indueres; insuper etiã vim quandam stupefactivam & narcoticam acquirere arbitramur; uti fit, si liquores diversæ indolis, summe tamen activi, invicem commisceantur, qui propter iteratas effervescentias mutuo quasi colluctantes sese destruunt, prioremq; activitatem amittunt.

XXXIX. Hoc modo colicum, vel quasi, dolorem paralyseos nostræ parentem fieri arbitramur; jam quo modo hæc ab illa excludatur, videndum. Materiam itaq; illam post sæpe iteratas mutuas effervescentias residuam & deliquiū passam, *ναρκώσις* quadam imbutam, non totam, vel quoad substantiam; saltem seminium vel fermentum ab eadem exhalare & absorberi aptum a nervis lumbalibus recipi & absorberi statuimus, per palindromiam scil. Per nervos enim ordinaria naturæ lege nihil revertitur, bene tamen extraordinaria, & præter naturaliter. Resorptum ita seminiū morbidum paralyticum defertur ad medullam spinalem, cui similem communicat labem; quæ quoque ita quasi enecata, nervos utrorumque artuum ex eadem oriundos, similiter contagio hoc participes facit, cujus virtute figente, coagulante & stupefaciente, spirituum animalium, omnis motus autorum, concatenationes, ut optime vocat *Haly. l. 9. Theor. c. 9.* sive commercia rumpuntur, eorumq; emanatio & explosio (in quamotum naturalem consistere supra dictum est) inhibetur, quam non potest non motus impotentia & comitari, & sequi.

XL. Quam ob rem spiritualcentiæ defectu ipsos spiritus animales in hoc nostro adfectu laborare, quis amplius ambiget? Enimve-

nimvero satis patet hoc partim ex modo dictis, partim ex comparatione cum sanguine: hic namque si multis recrementis crudis, lentis & viscidis refertus habeatur, vel etiam si contagio quodam coagulante & narcotico sit ad tactus, torpidus; imo quandoque plane redditur iners ad motum tum fermentationis, tum circulationis; quorum tamen motuum beneficio spiritusascensia ejus & perfectio naturalis, qua omnibus benefacit partibus, excitatur, promovetur & continuatur: ita quoque se res habet in negotio spirituum animalium, vel liquoris nervosi, qui si recrementis scateat heterogeneis, iisque crudis vel nimium effetis, adeoque narcoticis; vel etiam contagio tantum simili, (quod in minima quantitate maximam habet efficaciam) sit inquinatus, fermentatio ejus naturalis sufflaminatur; partes spirituosæ in altum enitentes & dominaturæ subjugantur, spirituum animalium unio & commercium divellitur, omnisque eorum turgescenscia & explosionis conatus intercipitur & exstinguitur. Et licet partes habeant laticem illum cerebralem adfluentem, tamen quia prædicto modo a laudabili & blanda natura sua defecit, inque stigma quasi vappescens degeneravit, plus obest ipsis, quam prodest: unde quoque fit, ut dum circa juncturas articulorum subsistit, in duram concreseat substantiam, quam tophos & nodos vocare consueverunt.

XLI. In causas evidentes, vim suam in propinquas & proximam exercentes hoc in adfectu, cum sit secundarius & alium consequens, atque priori totus fere dependeat, quoad causam scilicet antecedentem, non multum disquirendum esse reor; ex siquidem sunt scorbutum constituentes. Hoc tamen addere vili fuit, non parum conferre huc errata circa victus rationem commissa; sed præcipue circa motum, & animi passiones. Per motum intelligimus tum exercitia corporis immoderata ante paroxysmos dolorum imi ventris instituta, quorum usu nervos alias morbosos non parum debilitari, atque facilem materiei morbificæ susceptionem, difficilemq; ejus repulsionem disponi conjiciendum est; tum motum venereum, qui, quantum nervis noceat, & communis omnium Autorum consensus, & quotidiana, tam sanorum, quam per intervalla ægrotantium, & inter hos maxime podagricorum, loquitur experientia. Ex animi vero pathematibus

bus caput vere extollit ira, unde dolorum ægrotantes impatientissimi, diris imprecantur, & blasphemis non numquam ipsum Numen provocant & exagitant convitiis, in hoc sibi maximum quærentes levamen: at vero vehemente pathematis hujus commotione, non solum humores & spiritus omnes intra vasa libere fluentes, impetum facere; sed & intra mesenterii plexus collecti & depositi commoveri, atque nervis lumbalibus resorberi & recipi possunt, quorum ad sacram fistulam delatorum præsentia medulla ejus, nervique ab eadem oriundi enecantur quasi, spiritusque animales ligantur, atque motum perficiendum inhabiles redduntur, paresisque, qua de sermo nobis, inducitur. Cæteras res non naturales, quæ necessarias; quæ non necessarias (nisi fortassis circa medicamentorum administrationem in curatione colicæ fuerit error commissus,) multum huc facere non arbitramur; ideoque consulto earum enumerationem, vi fortassis huc trahendam, omittimus.

XLII. Signa morbi hujus διαγνωσιν cuiusvis ad oculum patent. Adest enim hæc partium resolutarum ad motum impotentia: adest curvitas quædam & levis contractura in digitorum extremis: adest flaccescencia carnis, partiumque quædam atrophia. His addi solent a nonnullis sensus sive dolor exquisitus, qui in vera paralyssi aliquando etiam adest, aliquando non, pro causarum scilicet indole diversa, & formicatio, quorum equidem symptomatum ratio hæc esse potest; quod videlicet fermentum, vel pars quædam liquoris nervosi ab nervis lumbalibus resorpta & spinæ ejusque nervis communicata non nihil remaneat vappida & acetosa, quæ dum subinde ad membranarum fibrillas articulorumque partes nerveas irrumpit, vellicat eas dirumpitque, ut non possit non dolor exinde sentiri molestus, quæ tamen liquoris nervei dispositio in reliquis paralyseos speciebus raro videtur adesse. Formicationis vero sensum non aliunde provenire existimamus, quam ob irritum explosionis conatum. Enimvero dum spiritus animales particulis heterogeneis narcoticis irretiti & ab iis quasi vincti sese unire, copias extruere; explosionemque ab illarum vinculis expedire se volentes, moliuntur; ab his vero econtra arctius amplexi, luctam quasi ineunt, sed irritò & infausito eventu, sensus

ensus formicarum reptantium gressum, vel vermiculorum inæqualiter prorepentium æmulus ab ægris percipitur.

XLIII. Quantum ad *περίπνοιν*, petenda ea est ex morbo primario, scorbuto nempe. Hic namq; si nimis altas egerit radices, sanguinisq; ut & liquoris nervosi crasis valde fuerit corrupta, diutius quoque durabit, sæpiusque & acerbius exacerbabitur, subinde scil. novo succedente fomite, & quibus multa circa juncturas articulorum coacervata fuerit materia vitiosa in nodos versa, longius tempus horum requirit resolutio & absumptio. Novi ego, qui per integrum annum, imo complures, hoc fuerunt conflictati morbo, quibus tandem pristinae sanitati restitutis, usque tamen contracturæ leves digitorum in manibus, & membrorum aliqualis gravitas diutius perseverarunt, donec materia illa lente, quæ in membranaceis articulorum partibus subliterat, absumeretur tota. Sed & sæpe recurrit, sanguine videl. non integre restituto; quin per pravam victus rationem, & maxime præter alia vini Tartarei, quale Austriacum, Ungaricum & Transilvanicum, &c. nimium & inordinatum usum, rursus infecto & male disposito. Alias ratione qualitatis eventus, per se non est lethalis adfectus; imo paucos hoc modo paralyticos factos nisi ferocius malum accesserit, mortuos, & ipsi novimus, & aliorum testantur observationes. Insuper lente terminatur tum ad salutem, tum ad alios quandoq; morbos, ut apoplexiam (aliosq; soporosos adfectus,) epilepsiam, arthritidem &c. lente, inquam, terminatur: non enim est morbus acutus ab effervescentia sanguinis nimia, vel subita ejusdem ut & spirituum animalium coagulatione & congelatione ortum suum trahens, quod alias in febribus acutissimis, pestilentialibus, peste ipsa, ut & famosis illis convulsionis speciebus: *τετάνω, ἐμπροδοτόνω, ὀπιδοτόνω*. &c. accidit.

XLIV. Curatio jam subnectenda, quæ, ut rite peragatur, sciat Medicus, quæ sibi sint agenda: ideoq; cum ad ægrotum venerit, interrogare oportet juxta *præceptum Hippocr. Lib. de affectionibus. text. 36 Edit. Cornar. quæ patiatur? & ex qua causa? & quot jam diebus? & an venter secedat? & quo victu utatur?* atq; sic ex alternatim factis interrogationibus & responsionibus aliisq; circumstantiis prudenti Medico facile obviis, indicationes, juxta quarum tenorem indicata seu auxilia postulata adhibenda, scienti-
uifice

tifice & circumſpecte colligat; hac enim ratione, *ὅταν μὲν (ἰντρός)*
ἀρχήσῃ πρὸς τὸ ὀφθῆναι, ἐξαρχέσθαι καὶ πρὸς τὸ ἰαθῆναι : Si ſuffecerit (Me-
 dicus,) ad cognoscendum, ſuffecerit & ad ſanandum. *Hippoc. l. de*
arte. Itaq; ut in genere generalis omnium fere morborum indica-
 tio ejusq; indicatum, quod eſt eorum ablatio, primo ſeſe inſinuat;
 ita per ſpeciales & ſecundarias, ad iſtius executionem promo-
 vendam ſedulo laboret Medicus. Ut ergo ex artis præſcri-
 pto colicæ paralyſeos inſtituatur curatio, juxta ſeqq. indica-
 tiones ex mente *Coi* procedendum erit. Ut (1) præſens ægri-
 tudo, paralyſis nimirum ſeu impotentia movendi, ad quam cu-
 randam vocatus eſt Soter, tollatur (hæc enim eſt mens ægrotan-
 tis,) idq; (2) per cauſæ morbum hunc foventis & excitantis remo-
 tionem, perq; (3) rerum hanc foventium, vel ad eam disponen-
 tium debitam ſufflaminationem. Aſt vero, quod jam primum
 fuit in intentione, id ultimum erit in executione, nimirum impo-
 tentia movendi partium movendarum non prius profligabitur,
 quã ejus cauſa reddita fuerit impotens: nec actus vel habitus mo-
 vendi prius reſtituetur aut redintegrabitur, quam cauſa eum exci-
 tare & promovere apta præſens & ſufficiens adfuerit. Porro, quo-
 niam hic morbus inducias patitur, lente quoque eundum in prin-
 cipio, inq; primis viis expediendis opera locanda, ut ſatis fiat
 quartæ quæſtioni ab ægro vel adſtantibus petendæ: an venter ſcil.
 ſecedat? hoc ſiquidem decumbentes morbo duram certe ple-
 rumq; adſtriſtamq; tenent alvum, cujus excernendorum ultra
 quam par eſt, retentio quantum partim ad morbi fere cujuſcunq;
 præſentis fomentum; partim ad actuationis pharmacorum impe-
 dimentum conferre quandoque ſoleat, in vulgus fere notum eſt:
 Sed & hac agendorum ratione alii quoque licet obviam ire ne-
 ceſſitati, ut videlicet convenienti convenientium remediorum
 uſu, reliquæ illæ humorum variæ indolis, anſam quæ dederant
 prægreſſis infimi ventriſtorminibus, ſi quæ fuerint adhuc reliſtæ,
 una cum alvi latrina ſecedant; ne videlicet ſua præſentia rur-
 ſus ebullitionem excitare dolorumq; recidivam facere valeant,
 vel etiam ut talibus ſubinde adfluentibus moramq; ibidem ne-
 xuris omnis inhiberetur mora; & potius, uti vulgo loqui amant,
 per revulſionem foras prorsus eliminarentur. Subducenda igitur
 alvus, & quidem commodiori vix remedio, quam clyſte-
 ribus

ribus emollientibus & abstergentibus, quibus pro roborandis partibus nervosis & membranaceis, quæ huic generi singulari familiaritate benefacere vulgo perhibentur; addenda: Neq; sufficit semel enemata taliainjecisse, ex mente *Sennert. Prax. l. 1. part. 2. cap. 27.* sed iteratis vicibus, ut omnis materia peccans exturbetur. Purgationes fortiores hinc exesse plane jubemus, non vero minorativa, quæ dicuntur & blande laxantia per os adsumta ex Cassia, Manna, Crem. Tartar. sirupis laxativis diasereos, ros. solut. viol. solut. de pom. laxat. sir. de fumar. aliisq; pro lubitu & prudentia Medici paranda. Sed nec *Vomitoria* sine suo frustrabuntur; præsertim si adhuc minera pro colicæ recidiva adesse suspicetur, quæ inter optimum est Tartarus emeticus *Mynsicht. vel Dn. Ludovici.*

XLV. Expeditis primis viis ipsi statim paralyti subvenendum per causæ morbificæ extinctionem: hac fini eligenda sunt remedia liquoris nervosi spiritualcentiam excitantia, augmentia, promoventia, quibus simul copula heterogenea spir. animales quasi ligans & sopiens, adq; conatum vel actum explosionis ineptos reddens, suffocatur atq; tollitur. Præstant hoc tum evacuantia, tum alterantia: Excellunt inter illa *Diaphoretica*, quæ ut sanguinem aliosq; succos; ita & nervosum fermentando, spiritus animales ad rarefactionē ac turgescientiam disponunt, qui sic ad explodendum apti dominiumq; adepti recrementa illa acetosa & narcotica subjugant, illorumq; vinculis sese extricant, unde eadem, tanquam impurum a puro separatum, laxatis cutis & cuticulæ poris extra corporis provincias extruduntur: hæc inter caput extollunt calefacientia & discutientia, præsertim externa topica, quæ seminium morbidum insensibiliter discutunt & evocant; quo absente spiritus animales liberius uniti, sua quoque liberius exsequuntur munia: secundas hic faciunt blando calore blandaq; humectatione sensim sensimq; degenerem liquoris nervosi naturam alterantia, inq; temperatiorem commutantia, tum interna, tum externa præsidia. Materiam illorum subpeditant nobis varia ex triplici regno petenda sale volatili in primis prædita tam simplicia, quam composita, ut sunt C. C. præp. Succin. præp. Rad. sarsaparigl. Angelic. Chin. Draken. Lign. gvaia. sassafr. juniper. Lapis bazaaricus, spiritus Salis, fuliginis, Sal C. B. absinth. bacc. juniper. Dialcord. Frac. Theriac. aquæ, sir. & in-

& inspissationes, extracta &c. modo dictorum aliorumq; multorum, quibus tamen semper antiscorbutica miscenda. Istorum vero materiam præbent *ἀσθερίνα* & *νευερίνα* vulgo dicta tam intus sumenda, quam extus adplicanda, ex quorum censu præstantiora sine dubio erunt, Tinctura Rorismar. tabac. it. Tinctura saly. major. fol. laur. cum spiritu Vini faciendæ & extrahendæ Tinctura bezoardica, Lunæ &c. vinum it. malvaticum, Tinctura Succin. balsamus Sulphur. spiritus Sal. Armoniaci, Essentia Croci, Castorei &c. ol. destill. succin. Macis, Cinam. Rut. arbor. vitæ &c. Extr. Chamæpit. Chamædr. angelic. &c. Specif. Celiphalic. D. Michaël. Chimiater. Lips. famigeratis. Interea dum hæc fiunt, topica externa tum discutientia, tum blando calore & humectatione blanda succum Nervosum degenerem immutatntia non negligenda: ad illorum scopum adsequendum facient adprime inunctiones totius spinæ ac nuchæ usque ad extremum coccygis factæ ex Tinctura Rorism. fol. laur. saly. chamæpit. chamædr. ol. lumbric. terrest. hyperic. rut. destill. cinam. supraq; dictis &c. Hoc autem notetur diligenter, ne olea cocta sola vel pinguedines ad usum nimium vocentur, viscidate enim sua poros obstruunt, discussionemque vitiosarum portionum impediunt; si quæ vero ex destillatis calidioribus usurpanda visum fuerit; diluantur ea Tincturis dictis similibusq; vel aquas nervosum genus ejusque succum naturali amicitia amplexantibus: ita quoque de unguentis & emplastris judicandum. Horum deniq; numerum absolvent malvacea quæq; blando, moderatoq; calore discutiunt, ut sunt malva, althæa, verbascū, parietaria, branca ursina, sem. lin. fœn. gr. lac caprinum &c. ex quibus fomenta & cataplasmata parari possunt, iis præcipue partibus adplicanda, ubi vasa nervea nuda quasi neq; multa carne & pinguedine tecta descendunt, uti sub axillis, sub poplitibus, in nucha & tota spina. Et siquidem non semper utrosq; occupat artus malum; igitur illi loco medicina facienda, unde maxime nervi ad artus derivandi exoriuntur: ut si paralytis tantum crura teneat, ossi sacro subq; poplitibus talia præsidia adhibenda: si vero rami brachiorum resoluti habeantur, vertebri cervicalibus dictis præsidis benefaciendum. Balnea repetita ex acervo formicarum cum frondibus pini, item conis pineis, &c. egregii hoc in casu usus.

XLV I. Ultimam intentionem exsequitur medela ipsis liquoribus vitali & animali facienda; siquidem horum si redintegratio paretur, & partes ab iis vitam accipientes & sanitatem, de eorum quoq; bonitate participaturas, adeoq; secundam motus potentiam recuperaturas, & omnem (quamdiu ipsi bene valebunt) recidivæ metum ulq; abfuturum certo polliceri nobis poterimus.

XL VI. Ea vero cum toties scorbutum subesse inculcatum sit, perfici commodius non potest, quam præfidiis anti-scorbuticis, passim prostantibus, quibus absorbentia & præcipitantia commiscenda. Insignem heic præstant usum spiritus cochlearæ, item essentia ejusdem, ut & Essentia Trifol. fibrin. & Beccabung. Elixir. Propr. cum spir. Cochlear. paratum, spir. Lumbric. terrestr. simplex & compositus, spiritus Tartari, præsertim dulcificatus, Tinctura Martis, maxime tartarisata, Vitriolum Martis, ejusq; spiritus &c. pulvis item *B. D. Michaelis*, absorbens *Dn. D. Wedelii*, quem in Opiologia sua describit, quibus non incommode pulvis lumbricorum terrestrium præparatus, una cum succino præparato, vel sale ejus, additur &c.

XLVII. Horum omnium usu nisi sanitas optata perfecte restituatur, ad thermas ablegandi sunt ægri, quæ hoc in casu insignis esse efficacix, testantur observationes & experientia; nihilominus tamen etiam remedium notatorum aliorumque convenientiû usus in ipsis thermis nõ penitus negligendus, ut ita quasi per manus tradito auxilio membra omnia ad hostem eliminandum, succosq; vitales alterandos, concurrant, pristinoq; vigore recepto, functionibus suis rite peragendis præesse possint.

XLIX. Interea victus ratio conveniens præscribenda. Aërem eligant itaq; quantum quidem fieri potest, purum & tenuem; vitent crassum, nebulosum uliginosiq; vaporibus refertum. Ad hæc esculenta sint in usu & potulenta *εύχυμα* & *εύπειπτα*; salla fumoq; indurata, quæq; facile vappescentiæ labem incurrere possunt, fugienda. Pro potu sumatur cerevisia mediocris, probeq; defecata antiscorbuticisq; ut & antiparalyticis remediis condita; vel vinû tenue & *ὀλιγοφόρον*, similiter dictis remediis alteratum; multo vero Tartario eoq; crudo refertum, facile in vasis effervesce & aclescere aptum, angue pejus & peste vitetur: hoc enim uti quandoq; summam facere potest in hoc nostro adfectu producendo, ita quoq;

quoq; præcautio ejus non potest non usq; salutaris esse in hoc vel profligando, vel præcavendo.

XLIX. In motu porro & exercitiis corporis non minimum certe situm est commodum; is itaq; minime suspendatur; & licet præfente paralyfi videatur impossibilis ab ægro præstandus, præstari tamen potest ab adstantibus, lecticæ hinc inde protrusione, vectigone in curru &c. ut & gestatione, navigatione, fortassis & frictione membrorum; imo, redeunte jam aliquantum ipsa motus potentia, ab ipso quoq; ægro, dum is e lecto surgens, ministris, vel scamnis, vel scipionibus, vel aliis adminiculis innixus de novo quasi adfuescere cogitur ambulationi; ubi vero rursus pristina restitutus fuerit valetudini, exercitiorum usum sedulo tractabit, moderate tamen, ne per motum immoderatum vires rursus exsolvantur, corpusq; languidum reddatur; & econtra, ne per quietem otiosam sanguis & liquor nervosus tanquam aquæ stagnantes quasi lentorem & situm contrahant, torpidi q; evadant. Ut autem nec Baccho, sic nec Veneri, hac in ægritudine litandum: malum enim tunc vel augetur, vel recrudesceat. Ex animi pathematibus quia multum ad hunc morbum vel generandum, vel exacerbandum facere potest ira, ea propterea summo studio vitanda, ægerq;, ut non ex quavis levicula, imo sæpe nulla, (quod fieri tamen maxima cum noxa solet) irascatur, occasione, monendus; sed & adstantes, ne huic rei præbeant animum, erudiendi: imo sic se gerat Medicus, ut ad salutem ægri ex artis præscripto, quantum quidem possibile, recuperandam, nihil intermittatur, ita quoq; se gerant æger & adstantes, ut ad remedium, ex artis præscripto prudentiq; Medici consilio præceptorum, tum adplicationem justam, tum necessariam actionem promovendam, nihil omitatur.

L. Restaret nunc, ut exemplis sive instantiis rem redderemus clariorem, & quæ circa quædam specialissime notanda essent, itidem innueremus: quoniam vero materiam hanc per ultiores observationes & lucubrationes planius & plenius pertractandam, (Deo volente) proposuerimus: terminum his ponimus,

& Ei, a quo omnia bona proveniunt, SUMMO NUMINI,
summas devotissimasque habemus dicimusq; grates.

FINIS.